



Međunarodna istraga o trgovini ljudima

Pretrjeseni objekt koriste braća Ćulum

U velikoj međunarodnoj akciji koja je istovremeno provedena na području Njemačke, Austrije i BiH, postupajući u saradnji s pravosuđem Njemačke, a po nalogu tužioca Tužilaštva BiH, policijski službenici SIPA-e obavili su pretrese na nekoliko lokacija, saopćeno je iz Tužilaštva BiH.

Iz SIPA-e kažu da je pretres obavljen u Sanskom Mostu, u objektu koji "koristi pripadnik organizirane kriminalne grupe na području BiH".

Kako saznaje „Avaz“, stambeni objekt koji je bio predmet pretresa koriste braća Ćulum, Armin zvani Boki i Nermin.

Akcija je, kako saznajemo, usmjerena na otkrivanje međunarodnog lanca organiziranog kriminala povezanog s trgovinom ljudima radi prostitucije i drugim krivičnim djelima, a među žrtvama nalazi se veći broj osoba iz balkanskih zemalja, među kojima, prema operativnim podacima, ima i maloljetnika.



Nermin Ćulum: Izvršen pretres
(Foto: M. Dedić)

Tokom pretresa pronađeni su određeni materijalni dokazi koji će biti korišteni u sudskom postupku koji se vodi u Njemačkoj.

Radi se o velikoj međunarodnoj akciji koja je provedena u više zemalja, a Tužilaštvo BiH ostvarilo je značajnu saradnju s partnerskim pravosudnim i policijskim agencijama Austrije i Njemačke, čiji su predstavnici u okviru radnih sastanaka, u proteklom razdoblju, boravili u BiH.

M. D.